

ՍՄԿԿ XXVI ՀԱՄԱԳՈՒՄԱՐԻ ՈՐՈՇՈՒՄՆԵՐԻ ԼՈՒՑՍԻ ՑԱԿ

**ՍՄԿԿ XXVI ՀԱՄԱԳՈՒՄԱՐԸ ԵՎ ԳԱՂԱՓԱՐԱՆՈՍԱԿԱՆ
ՊԱՅՔԱՐԻ ՊՐՈԲԼԵՄՆԵՐԸ**

ԲԱԳՐԱՏ ՂԱՐԻՔԱՆՅԱՆ

Ժամանակակից համաշխարհային հասարակական զարգացումը տեղի է տւնենում ռեալ սոցիալիզմի վճռորոշ ազդեցության պայմաններում: Դրա ակնառու վկայութիւնը դարձավ ՍՄԿԿ XXVI համագումարը՝ մեր օրերի խոշորագոյն քաղաքական իրադարձութիւնը: Համագումարի որոշումները կանխազօծում են առաջիկա տասնամյակում սովետական հասարակության հետագա առաջընթացի գիտականորեն հիմնավորված հեռանկարները, նշում մարդկության համար կենսական նշանակութիւն ունեցող միջազգային կարևորագոյն պրոբլեմների լուծման ռեալիստական ուղիները:

ՍՄԿԿ Կենտկոմի հաշվետու զեկուցումը, որով համագումարում հանդես եկավ Լ. Ի. Բրեժնևը, լուրջ ներդրում է մարքս-լենինյան տեսության մեջ: Այն արդիականութիւն սոցիալ-տնտեսական, քաղաքական-գաղափարախոսական պրոցեսների զարգացման հիմնական պրոբլեմների՝ տեսական վերլուծութիւն խորութիւնով ու մասշտաբայնութիւնով ակնառու փաստաթուղթ է, որտեղ բազմակողմանիորեն մշակված են զարգացած սոցիալիստական հասարակության նյութական, քաղաքական ու հոգեւոր հիմքերի ամրապնդման գլխավոր ուղղութիւնները:

ՍՄԿԿ XXVI համագումարի համար ամենաբնորոշը հոգատարութիւնն էր մարդու նկատմամբ, քանի որ այնտեղ համակողմանիորեն քննարկվեցին սովետական մարդու նյութական բարեկեցութիւն, նրա հոգեւոր աճի, ներդաշնակ զարգացման հետ կապված հարցերը, այն երաշխիքները, որոնք զարգացած սոցիալիզմն ընձեռում է կոմունիստական շինարարութիւն ամենաբարդ խնդրի՝ նոր մարդու ձևավորման լուծման համար: Վերջիններս արտահայտվեցին համագումարի փաստաթղթերում:

Սակայն նոր մարդու ձևավորումն անհնար է պատկերացնել առանց գաղափարախոսական, քաղաքական-դաստիարակչական ակտիվ գործունեութիւն, առանց զարգացող պրակտիկայի հետ վերջինիս սերտ կապի: Այժմ առավել, քան երբէք անհնար է ձևավորել մարդկանց սոցիալիստական գիտակցութիւնը՝ առանց բուրժուական գաղափարախոսութիւն դեմ հետևողական, հարձակողական պայքար մղելու, առանց այդ պայքարի ժամանակակից ուղղութիւնների ու պրոբլեմների հստակ պատկերացման: Ճշարցը, — գրում էր Վ. Ի. Լենինը, — դրվում է միայն այսպէս. բուրժուական թե սոցիալիստական գաղափարախոսութիւն: Միջինը չկա այստեղ: Ուստի սոցիալիստական գաղափարախոսութիւն ամեն մի նսեմացում, ամեն մի հեռացում նրանից՝ ինք-

ների հակամարտության: Նա դործի է դնում միջոցների մի ամբողջ սիստեմ, որոնց նպատակն է քայքայել սոցիալիստական աշխարհը, խաբխել այն:

Իմպերիալիստները և նրանց կամակատարները սիստեմատիկաբար թըշնամական կամպանիաներ են մղում սոցիալիստական երկրների դեմ: Նրանք արատավորում և խեղաթյուրում են այն ամենը, ինչ տեղի է ունենում այդ երկրներում: Նրանց համար ամենազլխավորն է՝ մարդկանց ետ վանել սոցիալիզմից»⁴:

Նախքան սրբի զաղափարախոսական պայքարի հիմնական պրոբլեմներին ուղեկցելը, անհրաժեշտ է կանգ առնել «հոգեբանական պատերազմ» և «գաղափարախոսական դիվերսիա» հասկացությունների վրա՝ ընդհանուր գծերով:

Ներկայիս զաղափարախոսական պայքարում հակակոմունիզմի գլխավոր զենքը «հոգեբանական պատերազմն» ու զաղափարախոսական դիվերսիաներն են՝ ուղղված մարքս-լենինյան տեսության ու ռեալ սոցիալիզմի պրակտիկայի դեմ: Դրանք բուժօգնական զաղափարախոսության ողջ համակարգի խոր ճեղքնաժամի արդյունք են՝ պայմանավորված այդ զաղափարախոսության հետադիմական մղումներով, աշխատավորների կենսական շահերին, սոցիալական անարդարությունները դրանց անհարկ լինելով: Այդ զաղափարախոսության ճգնաժամի խորացման և հետադիմական միտումների ուժեղացման կարևորագույն դրսևորումներից մեկն էլ այն է, որ ժամանակակից բուրժուազիան գնալով ավելի ու ավելի է հրաժարվում տեսական զաղափարների, կոնցեպցիաների բացահայտ ու ալնիվ առճակատումից՝ իր ուշադրությունը կենտրոնացնելով պիալորապես «հոգեբանական պատերազմին» հատուկ պրակտիկ պրոպագանդիստական այն միջոցառումների վրա, որոնք ապահովում են իմպերիալիզմի ընթացիկ քաղաքական տակտիկան: Այդ հանգամանքն ակնհայտորեն դրսևորվեց 1970-ական թվականներին, երբ մարքս-լենինյան տեսության ուղղակիորեն հակադրվող և լայնորեն պրոպագանդվող բուրժուական նորապույն սոցիոլոգիական տեսություններն ու ֆուտուրոլոգիական կոնցեպցիաները փոխարինվեցին սկզբում «մարդու իրավունքների պաշտպանության» լոզունգի տակ մղվող երկերեսանի պրոպագանդիստական կամպանիայով, իսկ ապա՝ «միջազգային տեռորիզմի» մասին է՛լ ավելի երկերեսանի ու ստահոք վարկածով: Վարկած, որն ազգային-ազատագրական շարժումներն ու Սովետական Միության կողմից դրանց պաշտպանությունը որակում է որպես «տեռորիզմ»⁵:

Գաղափարախոսական դիվերսիան միջազգային ասպարնզում մղվող գաղափարախոսական պայքարի հակակոմունիզմին հատուկ ձև է և մղվում է «հոգեբանական պատերազմին» շրջանակներում: Այն քայքայիչ պրոպագանդա է, որն իրականացվում է իմպերիալիստական պետությունների ռադիոյով, հեռուստատեսությամբ, մամուլով՝ սոցիալիստական երկրների դեմ ուղղված զրպարտչական ու պրոպոկանդիստ բնույթի ինֆորմացիա տարածելու միջոցով⁶: Գաղափարախոսական դիվերսիային բնորոշ են ոչ թե գաղափարատեսական բանավեճին հատուկ մեթոդները, այլ, ինչպես խոստովանում է պրոպագան-

⁴ Լ. Ի. Բրեժնև, ՄՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 18:

⁵ «Правда», 13. II. 1981.

⁶ Н. М. Кейзеров, Идеологические диверсии, М., 1979.

դայի ամերիկյան «տեսարան» Բ. Մերթին, «մարդկանց դիտակցության մեջ շրջապատող իրականության վերաբերյալ կեղծ պատկերներ ձևավորելու միտումները»⁷:

«Հոգեբանական պատերազմը» բուրժուական գաղափարախոսներն ըմբռնում են որպես կապիտալիստական պետությունների հետախուզական ծառայությունների, գաղափարախոսական ու քաղաքական հաստատությունների կողմից իրականացվող միջոցառումների մի այնպիսի համակարգ, որը նպատակ է հետապնդում բարոյալքել հակահեղափոխ, քայքայիչ ազդեցություն գործել մարդկանց հոգեբանության, մտածելակերպի ու վարքի վրա: Ընդ որում, ցանկացած միջոցառման պլանավորման դեպքում, լինի դա քաղաքական, տնտեսական, թե բուն գաղափարախոսական բնույթի՝ վերոհիշյալ մոմենտներն անպայմանորեն ուշադրության կենտրոնում են գտնվում: «Հոգեբանական պատերազմի» ձևերն ու մեթոդները մտածվում են այնպես, որ որոշակի ազդեցություն գործեն անհատի հոգեբանական կոուլցվածքի վրա, օգտագործվեն բոլոր այն միջոցները, որոնք ձևավորում են որոշակի ապրելակերպ, դաստիարակություն, մտածելակերպ, տրամադրություններ և այլն: Ընդամին, ցանկալի նպատակին հասնելու համար մեքենայությունների առարկա են դառնում գոյություն ունեցող սովորույթները, նախապաշարմունքներն ու ստերեոտիպերը: Բուրժուական գաղափարախոսները փորձում են նաև կանխատեսել, թե առանձին մարդիկ ու սոցիալական խմբերն ինչպիսի ռեակցիա կցուցաբերեն կոնկրետ կենսական իրադրությունների նկատմամբ:

Պատահական չէ այն սերտ կապն ու ընդհանրությունը, որ կա ժամանակակից ամերիկյան իմպերիալիզմի ու գերմանական ֆաշիզմի գաղափարախոսական-պրոպագանդիստական համակարգերի միջև: Այդ է վկայում պրոպագանդայի ամերիկյան տեսաբան Լ. Ֆարագոյի խմբագրությամբ դեռևս 1941 թ. լույս տեսած «Գերմանական հոգեբանական պատերազմը» խորագրով ժողովածուն⁸: Հետագայում, հատկապես ՄՍՀՄ-ի և մյուս սոցիալիստական երկրների դեմ մղվող «սառը պատերազմի» տարիներին, գերելյան այդ փորձը յուրովի «զարգացվեց» ամերիկյան իմպերիալիստների կողմից:

Ռեալ սոցիալիզմի դեմ մղվող «հոգեբանական պատերազմի», գաղափարախոսական դիվերսիաների գլխավոր ուղղությունն այժմ, ինչպես վերը նշվեց, «միջազգային տեռորիզմի» վերաբերյալ վարկածի պրոպագանդան է՝ սերտորեն կապված «սովետական սպառնալիքի» վերաբերյալ առասպելի աննախադեպ ուռճացման հետ: Հայտնի հակակոմունիստ՝ «պրոֆեսոր» Ռ. Փայփսի կողմից կյանքի կոչված այդ կոնցեպցիան⁹ ներկայումս փոխարինել է «մարդու իրավունքների պաշտպանության» վարկաբեկված լոզունգին:

Հարց է ծագում. ո՞րն է ամերիկյան իմպերիալիզմի գաղափարախոսական այս կերպարանափոխության պատճառը, ինչի՞ են ձգտում դրա հեղինակները:

Հայտնի է, որ քաղաքական տակտիկան հետապնդելով ավելի նեղ նպատակներ և կոչված լինելով սպասարկելու իմպերիալիստների ընթացիկ քաղաքական պահանջմունքները, զգալիորեն սովորում է նրանց ընդհանուր ստրատեգիան: Այն ստիպված է հարմարվելու սոցիալ-քաղաքական իրադրու-

⁷ B. S. Murty, Propaganda and World Public Order. The legal Regulation of the Ideological Instrument of Coercion, New Haven and London, 1968, p. 61.

⁸ German psychological warfare. (Ed. by Farago L.), N. Y., 1941.

⁹ «Правда», 18. II. 1981.

թյան մեջ տեղի ունեցող ընթացիկ փոփոխություններին: Հակակոմունիզմի գաղափարախոսական ստրատեգիան ենթարկվում է ռազմաարդյունաբերական համալիրի քաղաքական ստրատեգիային, տվյալ փուլում՝ այնպիսի քաղաքական կուրսի, որը ձգտում է վրժեցնել միջազգային լարվածության թուլացման պրոցեսը, խթանել սպառազինությունների մրցավազքը: Հենց դրանով էլ բացատրվում է այն հանգամանքը, որ վերջին տարիներին նկատելիորեն ուժեղացել են սովետական հասարակարգը, ՍՄԿԿ ներքին ու արտաքին քաղաքականությունը վարկաբեկելու իմպերիալիստական փորձերը: Այսպես կոչված «ազատ աշխարհի», դեմոկրատիայի ու խաղաղության պաշտպանության մասին հայտարարությունների քողի տակ փաստորեն հիմնավորվում է ռեալ սոցիալիզմի հետ ռազմաքաղաքական առճակատման միտումը: Հենց այդ պատճառով է, որ գաղափարախոսական պայքարի առաջին պլան է մղում պատերազմի և խաղաղության պրոբլեմը՝ արդիականության հիմնական, հակադիր հասարակական սխտեմների միջև հարաբերությունների գլխավոր քաղաքական խնդիրը:

Ամերիկյան նոր վարչակազմը կոնգրեսից պահանջել է 1981 ֆինանսական տարում ռազմական ծախսերի համար հատկացնել 178 մլրդ դոլար և մտադիր է 1982 թվականին այդ գումարը հասցնել ռազմական բյուջեների պատմության մեջ ընդհանրապես աննախադեպ մի աստղաբաշխական թվի՝ 226 միլիարդի: Այդ հսկայական միջոցների մեծ մասը հատկացվում է ստրատեգիական միջուկային զենքի նոր տեսակների առավել արագ զարգացմանը: Միաժամանակ ինտենսիվ կերպով մշակվում են մոտ 450 ռազմական նոր ծրագրեր, որոնք նպատակ են հետապնդում արդեն 1980-ական թվականների վերջերին ուժերի գոյություն ունեցող հավասարակշռությունը փոխել հոգուտ իմպերիալիզմի¹⁰ իսկ եթե դա էլ չհաջողվի, ինչպես հայտարարել է ամերիկյան ծայրահեղականների լիգերներից Բ. Գոլդուտերը, ավելի լավ է «այն աշխարհն ուղարկել ամբողջ աշխարհը, քան թողնել նրան ապրելու կոմունիզմի հաղթանակի պայմաններում»¹¹: Միաժամանակ, իմպերիալիզմի պրոպագանդիստական ողջ գինանոցն է սպաս է դրվել «սովետական սպառնալիքի մասին» առասպելի ուժեղացմանը, խաղաղության գործի համար վտանգավոր այնպիսի դոկտրինաների պրոպագանդանը, որոնցից է, օրինակ, «սահմանափակ ջերմամիջուկային պատերազմի» խելացնոր կոնցեպցիան, որն է դեպ 1960-ական թվականների սկզբին առաջադրել է ամերիկյան ծայրահեղականների գաղափարախոս սոցիոլոգ Հ. Կանը¹²:

Այդ և նման դոկտրինաները հատուկ տեղ են գրավում «հոգեբանական պատերազմի» համակարգում և կոչված են մշակելու-նախապատրաստելու հասարակական կարծիքը սպառազինությունների պլանավորվող մրցավազքի որակապես նոր փուլի համար: Մարդկանց ուզում են ներշնչել, — նշեց Լ. Ի. Բրեժնևը ՍՄԿԿ XXVI համագումարում, — թե իբր միջուկային պատերազմը կարող է սահմանափակ լինել: Ուզում են նրանց հաշտեցնել այդպիսի պատերազմի թուլատրելիության մտքի հետ:

¹⁰ Նույն տեղում, 25. III. 1981.

¹¹ «Актуальные вопросы современной идеологической борьбы», М., 1980, с. 135.

¹² H. Kahn, On nuclear war, N. Y., 1962.

Բայց չէ՞ որ դա նշանակում է ուղղակի խաբել ժողովուրդներին: Զէ՞ որ քստ ամերիկյան հասկացողությունների, ասահմանափակ միջուկային պատերազմը, ասենք, նվիրույթով, հենց սկզբից կնշանակե՞ր եվրոպական քաղաքակրթության անխուսափելի կործանում: Հենց իրենք՝ Միացյալ Նահանգներն էլ, իհարկե, չէին կարող հեռու մնալ պատերազմի բոցից: Պարզ է, որ նման պլաններն ու գոյությունները լուրջ սպառնալիք են բոլոր ժողովուրդների համար. ներառյալ նաև ամերիկյան ժողովուրդը»¹³:

ՍՄԿԿ ակտիվ ու նպատակամղված պայքարը միջազգային լարվածության մեղմացման, կայուն, դեմոկրատական խաղաղության, ժողովուրդների միջև փոխշահավետ համագործակցության համար վերջին հաշիվով նպատակ է հետապնդում ձևավորել միջազգային հարաբերությունների մի նոր համակարգ, որն ընդմիջող բացառելով պատերազմը մարդկանց կյանքից, կհամապատասխանի արդի՝ կապիտալիզմից սոցիալիզմին անցման դարաշրջանի բովանդակությանը, նրա գլխավոր շարժիչ ուժերի, սոցիալական առաջընթացի շահերին, ապահովելով այդպիսով մարդու գլխավոր իրավունքը՝ խաղաղ կյանքի իրավունքը: «Պաշտպանելով խաղաղությունը, — նշեց Լ. Ի. Բրեժնևը ՍՄԿԿ XXVI համագումարում, — մենք աշխատում ենք... գալիք տասնյակ սերունդների երջանկության համար...»

Ոչ թե պատերազմի նախապատրաստությունը, որը ժողովուրդներին դատապարտում է իրենց նյութական ու հոգեւոր հարստությունների անմիտ վատնման, այլ խաղաղության ամրապնդում՝ անա վաղվա օրվա ռազմապետությանը»¹⁴:

Խաղաղության պրոբլեմի լուծման ողջ բարդությունը պայմանավորված է նրանով, որ երկրադնդի մի գդալի մասի վրա դեռևս գոյություն ունի կապիտալիզմը, որի էությունը ներհատուկ են ճնշումն ու ագրեսիան: Ապրելով ներքին խոր ճգնաժամ, այն մոբիլիզացրել է իր ռազմատնտեսական, քաղաքական, դադափարախոսական ողջ հնարավորությունները, որպեսզի դիմագրավի սոցիալիզմին: Վերջինիս ուժն ու կայունությունը, մարդկության ապագայի նկատմամբ սլատասխանատվության մեծ զգացումն են, որ խոչընդոտ են հանգիստում իմպերիալիստական ագրեսիվ պրոպոկացիաների համար: Այդ պրոպոկացիաները հետպատերազմյան ժամանակաընթացքում մեկ անգամ չէ, որ կարող էին հանգեցնել ջերմամիջուկային աղետի: Միայն 1946—1976 թթ. Ամերիկայի Միացյալ Նահանգների զինված ուժերը 215 անգամ բերվել են մարտական պատրաստականության դրության, որպեսզի պաշտպանեն իմպերիալիզմի քաղաքական նկրտումները: 19 անգամ նրանք ուղղակիորեն սպառնացել են կիրառել ստրատեգիական միջուկային զենք, որից 4 անգամ՝ Սովետական Միության դեմ»¹⁵:

Միջազգային լարվածության նկատելի աճի ներկա պայմաններում ՍՄԿԿ XXVI համագումարը հանդես եկավ խաղաղասիրական նոր, կոնկրետ առա-

¹³ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 33—34:

¹⁴ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 50—51:

¹⁵ «3а рубежом», 1978, № 51, с. 5.

շարկություններով, որոնք կուսակցության XXIV և XXV համագումարների հռչակած խաղաղության ծրագրի օրգանական շարունակությունն են։ Այդ առաջարկությունները լայնորեն լուսաբանվել են մեր և արտասահմանյան մամուլում և արժանացել միջազգային դեմոկրատական հասարակայնության հավանությանն ու պաշտպանությանը։

Կուսակցությունը գաղափարախոսական ճակատի աշխատողների խնդիրն է համարում ըստ ամենայնի պրոպագանդել ՍՄԿԿ արտաքին խաղաղասիրական քաղաքականությունը, կուսակցության XXVI համագումարի համապատասխան որոշումները, մերկացնել իմպերիալիստական գաղափարախոսությունը, որը պատերազմի գաղափարախոսություն է։

Արդի գաղափարախոսական պայքարի կարևորագույն պրոբլեմներից է ազգային-ազատագրական շարժումների ու իմպերիալիզմի լծից ազատագրված երկրների զարգացման ուղիների պրոբլեմը։ Բանն այն է, որ վերջին 10—15 տարիների ընթացքում այդ երկրներում ձևավորվել է նոր խոշոր քաղաքական ուժ՝ հեղափոխական-դեմոկրատական կառավարող կուսակցություններ, որոնք, հարելով գլխական սոցիալիզմին, հանդես են գալիս որպես ՍՄԿԿ, միջազգային կոմունիստական շարժման բնական դաշնակիցներ։ Վերջիններս լայն ինտերնացիոնալիստական աջակցություն են ցույց տալիս այդ կուսակցություններին։

ՍՄԿԿ XXVI համագումարը բարձր գնահատեց սոցիալիստական կողմնորոշում ունեցող երկրների դերը միջազգային քաղաքականության մեջ, տվեց դրանց սոցիալ-քաղաքական զարգացման գլխավոր միտումների մարքա-լենինյան բնորոշումը։ «Առաջադիմական ուղիով այդ երկրների զարգացումը, — նշեց Լ. Ի. Բրեժնևը, — իհարկե, տեղի է ունենում ոչ միատեսակ, այն ընթանում է բարդ պայմաններում։ Բայց հիմնական ուղղությունները նման են։ Դա իմպերիալիստական մոնոպոլիաների, տեղական խոշոր բուրժուազիայի և ֆեոդալների դիրքերի աստիճանական վերացումն է, օտարերկրյա կապիտալի գործունեության սահմանափակումը, Դա էկոնոմիկայի մեջ ժողովրդական պետության հրամանատարական բարձունքների ապահովումն է և անցումը դեպի արտադրողական ուժերի պլանային զարգացումը, գլուղում կոոպերատիվ շարժման խրախուսումը։ Դա հասարակական կյանքում աշխատավոր մասսաների դերի բարձրացումն է, պետական ապարատի աստիճանական ամրապնդումը ժողովրդին նվիրված ազգային կադրերով։ Դա այդ երկրների արտաքին քաղաքականության հակաիմպերիալիստական բնույթն է։ Նրանցում ամրապնդվում են հեղափոխական կուսակցությունները, որոնք արտահայտում են աշխատավորների լայն մասսաների շահերը»¹⁶։

Անտեսելով նշված պրոցեսների օբյեկտիվ բնույթը, փորձելով քողարկել այդ երկրների բնական հարստությունները տնօրինելու, ստրատեգիական նպատակներով դրանց տարածքներն օգտագործելու ձգտումը, իմպերիալիստական պրոպագանդան աշխատում է վարկաբեկել ազգային-ազատագրական շարժումները՝ դրանով իսկ հող նախապատրաստելով հակահեղափոխության արտահանման նկրտումներին համար։

¹⁶ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 17—18։

Համագումարին ներկա գտնվող 36 հեղափոխական-դեմոկրատական ազգային-ազատագրական շարժումների պատվիրակությունների ներկայացուցիչներն իրենց ելույթներում վճռական հակահարված տվեցին իմպերիալիստական այդ փորձերին:

ՍՄԿԿ ՏՃՎԻ համագումարի որոշումների լույսի տակ ժամանակակից գաղափարախոսական պայքարի մյուս առանցքային պրոբլեմը վերաբերում է մեր երկրի տնտեսական զարգացման հարցերին: Սոցիալիզմի հակառակորդների գաղափարախոսական գիվերսիանների մեջ վերջիններս հատուկ տեղ են գրավում, քանի որ բուրժուական գաղափարախոսությունն ու պրոպագանդան «սովետական սպառնալիքի» մասին առասպելի կողքին ուռճացնում էին նաև սովետական էկոնոմիկայի «դժվարությունների» վերաբերյալ առասպելը՝ վերջինս սերտորեն կապելով գիտափոխիկական հեղափոխության սոցիալ-տնտեսական կողմերի հետ: Այլ կերպ ասած, խոսքը բուրժուական դանազան «սովետաբանների» ու «փորձադետների» կողմից մեր երկրի տնտեսական զարգացման պրոբլեմների յուրովի, աղավաղված մեկնաբանման մասին է: Հենց այդ դիրքերից են նրանք դիտում ու ներկայացնում մեր տնտեսական աճի տեմպերի ու համամասնությունների, աշխատանքային ռեսուրսների, կապիտալ ներդրումների, բնական ռեսուրսների արդյունավետ մշակման, շրջակա միջավայրի պահպանության, զարգացման էքստենսիվ ուղիներից ինտենսիվին անցման պրոբլեմները, պրոբլեմներ, որոնց լուծման ուղիները գործարար կերպով և գիտականորեն քննարկվեցին ՍՄԿԿ XXVI համագումարում: ՍՍՀՄ տնտեսական ու սոցիալական զարգացման 1981—1985 թվականների և մինչև 1990 թվականն ընկած ժամանակաշրջանի հիմնական ուղղությունները մշակելով՝ կուսակցությունը նպատակ է դրել իրագործել իր պատմական մասշտաբներով ու նշանակությամբ վիթխարի մի ծրագիր: Մեր ժողովրդական տնտեսությունը ինտենսիվ զարգացման ռեսուրսների վրա փոխադրելու պրոցեսը, — համագումարում իր զեկուցման մեջ նշեց ՍՍՀՄ Մինիստրների խորհրդի նախագահ Ն. Ա. Տիխոնովը, — իր պատմական մասշտաբներով, նշանակությամբ ու հետևանքներով իրավամբ կարող է հավասարեցվել այնպիսի խոշորագույն վերափոխման, ինչպիսին էր սոցիալիստական ինդուստրացումը, որն արմատապես կերպարանափոխեց երկիրը»¹⁷:

Մեր գաղափարախոսական հակառակորդը, ելնելով պրակտիկ-քաղաքական ու պրոպագանդիստական իր նպատակներից, սոցիալիստական էկոնոմիկայի զարգացման շարժիչ ուժ հանդիսացող օբյեկտիվ հակասություններին տալիս է աղավաղված մեկնաբանություն: Այդ են վկայում, մասնավորապես, հակակոմունիստների տեսական օրգաններից մեկում՝ «Կոմունիզմի պրոբլեմները» ամսագրում, վերջերս հրապարակված հոդվածները, որոնց հեղինակները սովետական էկոնոմիկայի հետագա զարգացումը հնարավոր են համարում նրա կապիտալիստական ռեֆորմացիայի հիման վրա¹⁸: Բուրժուական գաղափարախոսներն ու պրոպագանդան երբեմն ճարպկորեն օգտագործում են այն հանգամանքը, որ մեր տնտեսագիտության մեջ զարգացած սոցիալիզմի տրեն-

17 Ն. Ա. Տիխոնով, ՍՍՀՄ տնտեսական ու սոցիալական զարգացման 1981—1985 թվականների և մինչև 1990 թվականն ընկած ժամանակաշրջանի հիմնական ուղղությունները, Երեւան, 1981, էջ 19:

18 «Problems of Communism», 1981, March-April.

տեսական օրինաչափությունները, տնտեսական մեխանիզմի արդյունավետ գործառնություն տեսական պրոբլեմները դեռևս բավարար չափով չեն ուսումնասիրված: Այդ տեսական «վակուումը» յուրովի է օգտագործվում մեր գաղափարախոսական հակառակորդի կողմից: Եվ պատահական չէ, որ, խոսելով մարքս-լենինյան տեսության հետագա ստեղծագործական զարգացման գործում մեր հասարակագետների խնդիրների մասին, Լ. Ի. Բրեժնևը կուսակցության XXVI համագումարում նշեց, որ «Իրենց լուծմանն սպասող շատ պրոբլեմներ են կուտակվել սոցիալիզմի քաղաքատնտեսության բնագավառում»¹⁹, Այդ պրոբլեմները, անկասկած, աճի պրոբլեմներ են: Զէ՞ որ դրանցից շատերը վկայում են հենց կապիտալիզմի նկատմամբ սոցիալիզմի պատմական առավելությունների մասին:

Ինչպես համոզիչ վկայում են ՍՄԿԿ XXVI համագումարի փաստաթղթերը, սոցիալիստական էկոնոմիկայի զարգացմանը բնորոշ է անընդհատ առաջընթացն ինչպես քանակական, այնպես էլ որակական առումներով²⁰: Իսկ եթե համագումարի որոշումների տեսանկյունից փորձենք ավելի լայն, սկզբունքային բնույթի հետևություններ անել ունենալ սոցիալիզմի սոցիալ-տնտեսական զարգացման հարցերի շուրջ գաղափարախոսական պայքարից, ապա, ըստ երևույթի, նպատակահարմար կլինեի ավելի մեծ ուշադրություն դարձնել սոցիալիստական էկոնոմիկայի սոցիալական արդյունավետության հարցերի վրա՝ ելնելով մեր ժողովրդական տնտեսության կառուցվածքում կատարվող այն էական տեղաշարժերից, որոնք, լինելով արտադրողական ուժերի զարգացման հիմնական գործոններից մեկը, զգալի չափով պայմանավորում են հասարակական արտադրության սոցիալական արդյունավետությունը: Ի միջի այլոց, հարցի հենց այդ կողմը նկատի ունենալով ամերիկյան բուրժուական հայտնի տրնտեսագետ ու սոցիոլոգ Ջ. Գեյթրայթը, որը, մանրամասն ուսումնասիրելով մեր շնագամյա պլանները, գրել է. «Դժվար չէ պլանավորել մի էկոնոմիկա, որը երաշխավորում է կենսամակարդակի բարձրացում հասարակության փոքրամասնության համար: Դա արվել է ինչպես Ֆեոդալական հասարակարգում, այնպես էլ, նույնիսկ, ռուսական կայսրության մեջ: Դժվար չէ ստեղծել նաև ժողովրդի մեծամասնության համար բավարար կենսամակարդակ: Պրոբլեմը ծագում է միայն այն ժամանակ, երբ դա պետք է անել բոլորի համար: Այդ դեպքում պահանջմունքները հսկայական են: Ես գտնում եմ, որ դա սովետական պլանավորող օրգանների գլխավոր նպատակն է, որ դրվել է օրակարգում»²¹: Ջ. Գեյթրայթի ասածը ինքնին մեզ համար արժեքավոր է նաև նրանով, որ շոշափում է գաղափարախոսական պայքարի կենտրոնում գտնվող չափազանց արդիական մեկ այլ՝ ապրելակերպի, կամ, ինչպես բուրժուական գաղափարախոսներն են անվանում, «կյանքի որակի» պրոբլեմը²²: Հարցի տերմինաբանական կողմը տվյալ դեպքում էական չէ: Ընդ որում, խոսքը, փաստորեն, այդ հարցում սոցիալիզմի սկզբունքային առավելության մա-

¹⁹ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 130:

²⁰ «Коммунист», 1981, № 5, с. 5—10.

²¹ «Комсомольская правда», 20.I.1976.

²² «Социалистический образ жизни и современная идеологическая борьба», М., 1976.

սին է (Հատկանշական է, որ Զ. Գելբրայթը «կյանքի որակի» բուրժուական փոնցիպցիայի առաջին մշակողներից է և ժամանակին հանդես էր գալիս որպես պետական-մոնոպոլիստական կապիտալիզմի ջատագով)։

Սոցիալիզմի արտադրողական ուժերի, սոցիալիստական էկոնոմիկայի սոցիալական արգելափակումից աճին զուգընթաց մարդու բազմակողմանի զարգացումը գնալով ավելի սերտորեն է կապվում նրա կենսապայմաններում, կենսագործունեության ձևերում պլանաչափ իրականացվող առաջադիմական տեղաշարժերի հետ։

ՍՄԿԿ XXVI համագումարը, ձևակերպելով առաջիկա տասնամյակում կուսակցության տնտեսական ստրատեգիան, նշեց, որ դրանով իսկ նոր հնարավորություններ կընձեռվեն ծրագրային սոցիալական խնդիրների, սոցիալիստական ապրելակերպի, նոր մարդու ձևավորման համար, կամրապնդվեն դրանց նյութական և հոգևոր հիմքերը։ «Զարգացած սոցիալիզմի ժամանակաշրջանում,— համագումարում նշեց Լ. Ի. Բրեժնևը,— ավարտվում է բոլոր հասարակական հարաբերությունների վերակառուցումը, նոր կարգին ներբուստ բնորոշ կոլեկտիվիստական սկզբունքների հիման վրա։ Այդ վերակառուցումն ընդգրկում է թե նյութական, թե հոգևոր ոլորտը, միև կյանքի ամբողջ կացութաձևը»²³։

Ժամանակակից գաղափարախոսական պայքարի հարցերի մեջ կարևորագույն տեղ են զբաղեցնում նաև քաղաքական սիստեմի, պետության և իրավունքի, դեմոկրատիայի հարցերը։ Դրանց շուրջ պայքարը հատկապես սրվեց ՍՄՇՄ նոր սահմանադրության ընդունման կապակցությամբ, քանի որ «Սովետական հասարակության տնտեսական, սոցիալական ու հոգևոր կյանքում կատարված առավել էական փոփոխությունները, համաժողովրդական պետության խոր դեմոկրատիզմը խտացված արտահայտություն են դառնում ՍՄՇՄ նոր սահմանադրության մեջ»²⁴։

Բուրժուական սովետաբաններն ամեն կերպ ջանում են նսեմացնել զարգացած սոցիալիզմի հիմնական օրենքի պատմական նշանակությունը, սեպ խրել նրա ու ռեալ սոցիալիզմի իրականության միջև։ Նրանք կասկածի տակ են ածում նոր սահմանադրության ստեղծման պատմական նախադրյալները, պնդելով, թե իբր սովետական սոցիալիստական օրենսդրությունը կայուն չէ, հաճախ փոփոխվում է։ Այդ տեսանկյունից էլ այն համեմատվում է ամերիկյան սահմանադրության հետ, որը 200 տարվա պատմություն ունի²⁵։ Բուրժուական գաղափարախոսներն այդպիսով անտեսում են հասարակական զարգացման պատմականության տարրական սկզբունքը, այն փաստը, որ զարգացած սոցիալիստական հասարակությանը համապատասխանում է ոչ թե պրոլետարիատի դիկտատուրան, այլ համաժողովրդական պետությունը, ժողովրդական զանգվածների լայն մասնակցությունը պետական ու հասարակական գործերին։ Բնական է, որ օրենքների բովանդակությունը պետք է

23 Լ. Ի. Բրեժնև, ՍՄԿԿ Կենտրոնական կոմիտեի հաշվետու ղեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 94։

24 Լ. Ի. Բրեժնև, ՍՄԿԿ Կենտրոնական կոմիտեի հաշվետու ղեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 105—106։

25 „New York Times Magazine“, 12.XII.1977.

համապատասխանի տվյալ հասարակության զարգացման պատմականորեն նոր փուլի առանձնահատկություններին, հասարակական հարաբերություններ, զարգացմանը: Ինչպես նշեց Լ. Ի. Բրեժնևը ՍՄԿԿ XXVI համագումարում, սովետական օրենսդրության կատարելագործման, զարգացման աշխատանքը կշարունակվի²⁶:

Սովետական հասարակության սոցիալ-քաղաքական զարգացման «քննադատության», քաղաքական սիստեմի զրպարտության հարցերում իմպերիա. լիստական գաղափարախոսությունը, ռեֆորմիզմն ու ռեկվիզիտիզմը ցուցաբերում են դիրքորոշումների լիակատար միասնություն, մի հանգամանք, որ վկայում է դրանց սերտաճման մասին:

Մեր կուսակցությունը վճռականորեն մերժում է սոցիալիստական իրականությունն աղավաղող ռեկվիզիտիստական ու ռեֆորմիստական «քննադատությունը», որը «ծառայություն է մատուցում իմպերիալիստական պրոպագանդային, դասակարգային հակառակորդին»²⁷:

Սոցիալիզմի աշխարհի դեմ ուղղված գաղափարախոսական դիվերսիաները, «հոգեբանական պատերազմը», ոչ մի առնչություն չունեն գաղափարախոսական ազնիվ պայքարի հետ: Դրանք կապիտալիստական հասարակարգի գաղափարաքաղաքական ճգնաժամի, բուրժուական գաղափարախոսության տեսական սնանկության արդյունքն են: Այդ գաղափարախոսությունն այլևս ի վիճակի չէ առաջադրելու կոնստիտուտիվ գաղափարներ, իդեալներ, նրա համար գնալով ավելի ու ավելի դժվար է դառնում հանդես գալ որպես մարքս-լենինյան ուսմունքի տեսական այլընտրանք: Վերջինիս խոսույն վկայությունն են բուրժուական տեսաբանների վերջին տարիների գրվածքները, որոնց համար բնորոշ է ճգնաժամային թեմատիկան: Դրանցից են, օրինակ, Օ. Խոֆերի «Սպազմատիկ էկոնոմիկան», Մ. Հարինգթոնի «Կապիտալիզմի աղջամուղջը», Դ. Հեյլբրոնների «Ինքնասի քաղաքակրթության անկումը», Դ. Իելի «Կապիտալիզմի մշակութային հակասությունները», Ի. Արոնի «Ի պաշտպանություն դեպրահացիայի ենթարկվող Եվրոպայի» և այլն:

Պատմական ճշմարտությունը մարքսիզմ-լենինիզմի, սոցիալիզմի կողմն է: ՍՄԿԿ-ն գաղափարախոսական ճակատի աշխատողների պարտքն է համարում հարձակողական դիրքերից ժամանակին և արժանի հակահարված տալ իմպերիալիզմի ու նրա կամակատարների գաղափարախոսական դիվերսիաներին, ժողովրդական զանգվածներին հասցնել ճշմարտությունը սոցիալիզմի մասին:

²⁶ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 106:

²⁷ Լ. Ի. Բրեժնև, ՍՄԿԿ Կենտրոնական կոմիտեի հաշվետու զեկուցումը Սովետական Միության կոմունիստական կուսակցության XXVI համագումարին և կուսակցության հերթական խնդիրները ներքին ու արտաքին քաղաքականության բնագավառում, էջ 27:

XXVI СЪЕЗД КПСС И ПРОБЛЕМЫ ИДЕОЛОГИЧЕСКОЙ БОРЬБЫ

БАГРАТ ГАРИБДЖАНЫН

Резюме

Воспитание нового человека, утверждение социалистической идеологии в сознании трудящихся происходит в непрерывной борьбе с противостоящей ей буржуазной идеологией, империалистической пропагандой. Эта борьба, как указывалось в Отчетном докладе ЦК КПСС XXVI съезду партии, в последние годы заметно обострилась. Используя методы «психологической войны» — идеологические диверсии, клевету, империалистическая пропаганда стремится формировать у людей ложные стереотипы о социально-экономической и политической системе реального социализма, помешать социалистической идеологии нести трудящимся правду о социализме.

XXVI съезд КПСС поставил перед работниками идеологического фронта задачу развивать боевой наступательный характер нашей идеологии, соединить ее глубокую научность с партийной страстностью пропаганды и агитации.